

## მომსახურების ხელშეკრულება #TSC \_\_\_\_\_

სფიქსის საზაფხულო, ინგლისურენოვან ბანაკში მონაწილეობის შესახებ

### 1. მხარეების იდენტიფიკაცია

- 1.1. მომსახურების გამწვევი (ორგანიზატორი) — სფიქსი უცხო ენის ცენტრი, ინდივიდუალური მენარმე ლაშა ახვლედიანი (პ.ნ: ---).
- 1.2. მომსახურების მიმღები — მშობელი ან კანონიერი წარმომადგენელი.  
სახელი \_ გვარი, (პირადი ნომერი)
- 1.3. ბანაკის მონაწილე — არასრულწლოვანი ბავშვი, რომელიც მონაწილეობს ბანაკში მშობლისა და მომსახურების გამწვევის შეთანხმების საფუძველზე. სახელი, გვარი, (პირადი ნომერი)
- 1.4. გუნდის ლიდერი - ორგანიზატორის მიერ დაქირავებული, კვალიფიციური პირი, რომელიც ხელმძღვანელობს კონკრეტულ ჯგუფს.
- 1.5. სასტუმრო — ბორჯომის მუნიციპალიტეტი, ცემი, სასტუმრო „მთის კურორტი — განთიადი“.

### 2. ხელშეკრულების საგანი

- 2.1. მომსახურების გამწვევი იღებს ვალდებულებას ჩაატაროს საზაფხულო ბანაკი 2026 წლის 13 ივნისიდან 20 ივნისის ჩათვლით, წინასწარ დაგეგმილი პროგრამის მიხედვით, რომელიც ხელშეკრულებას დანართი #1 სახით ერთვის და წარმოადგენს ამავე ხელშეკრულების განუყოფელ ნაწილს.
- 2.2. მომსახურების მიმღები იღებს ვალდებულებას უზრუნველყოს ბანაკის მონაწილის უსაფრთხო და კომფორტული მგზავრობა ორმხრივი გზით, თბილისი > ცემი > თბილისი.
- 2.3. მომსახურების მიმღები ვალდებულია მიიღოს მომსახურება და გადაიხადოს მომსახურების სრული ღირებულება, რომელიც განისაზღვრება 1390 (ათას სამას ოთხმოცდაათი) ლარით.
- 2.4. ბანაკის მონაწილე(ები) ვალდებულია (არიან) დაემორჩილოს ბანაკის წესებსა და პირობებს, დაიცვას გუნდის ლიდერისა და ორგანიზატორის მითითებები და უზრუნველყოს უსაფრთხო მონაწილეობა ბანაკის პროგრამაში.
- 2.5. ორგანიზატორს აქვს უფლება შეცვალოს პროგრამა ამინდის, უსაფრთხოების ან ორგანიზაციული საჭიროების გამო.

### 3. ანგარიშსწორება - თანხის დაბრუნება

- 3.1. მომსახურების მიმღები ვალდებულია გადაიხადოს მომსახურების ღირებულება უნაღდო ანგარიშსწორებით, შემდეგი პრინციპით:
  - 3.1.1. სრული ღირებულების 50%, ხელშეკრულების გაფორმებისთანავე;
  - 3.1.2. დარჩენილი 50% - ბანაკის დაწყებამდე 14 დღით ადრე.

- 3.2. ბანაკში მონაწილეობაზე უარის შემთხვევაში, მომსახურების მიმღები ვალდებულია მომსახურების გამწვევს აცნობოს, ბანაკის დაწყებამდე არაუგვიანეს 14 კალენდარული დღით ადრე. ასეთ შემთხვევაში, მომსახურების გამწვევი ვალდებულია მომსახურების მიმღებს დაუბრუნოს გადახდილი ავანსის 50%-ს.
- 3.3. ბანაკის დაწყებამდე 14 დღეზე ნაკლებ ვადაში, მონაწილეობის გაუქმებასთან დაკავშირებით შეტყობინების შემთხვევაში, გადახდილი ავანსი დაბრუნებას არ ექვემდებარება.
- 3.4. მომსახურების მიმღების მიერ გადახდილი საავანსო თანხის დაბრუნება ექვემდებარება სასტუმროს ჯავშნის გაუქმების პოლიტიკას.

## 4. ჯანმრთელობა და უსაფრთხოება

- 4.1. მომსახურების გამწვევი უზრუნველყოფს ბანაკის განმავლობაში მონაწილისთვის პირველადი სამედიცინო დახმარების ხელმისაწვდომობას და შესაბამის ზედამხედველობას.
- 4.2. მომსახურების მიმღები ვალდებულია, ბანაკის დაწყებამდე არაუგვიანეს 1 კვირით ადრე, წარმოადგინოს ბავშვის ჯანმრთელობის შესახებ ოფიციალური ცნობა (ფორმა 100).
- 4.3. მომსახურების მიმღები ვალდებულია სრულად და ზუსტად მიანოდოს ორგანიზატორს ინფორმაცია მონაწილის ჯანმრთელობის მდგომარეობის შესახებ, მათ შორის არსებული დიაგნოზები, ალერგიები და საჭიროების შემთხვევაში განსაკუთრებული ყურადღების საჭიროება.
- 4.4. მომსახურების მიმღები ასევე ვალდებულია წინასწარ დააფიქსიროს, ნებადართულია თუ არა მონაწილისთვის მარტივი მედიკამენტების მიღება (მაგალითად, თავის ტკივილის ან გაციების შემთხვევაში).
- 4.5. ორგანიზატორი მოქმედებს მინოდებული ინფორმაციის საფუძველზე. იმ შემთხვევაში, თუ მომსახურების მიმღები არ მიანვდის სრულ ან ზუსტ ინფორმაციას მონაწილის ჯანმრთელობის მდგომარეობის შესახებ, ორგანიზატორი თავისუფლდება შესაბამისი რისკებიდან გამომდინარე პასუხისმგებლობისგან, კანონით დაშვებულ ფარგლებში.
- 4.6. ბანაკის განმავლობაში მომსახურების მიმღები ვალდებულია უზრუნველყოს საკონტაქტო ნომერზე ხელმისაწვდომობა, რათა საჭიროების შემთხვევაში შესაძლებელი იყოს მასთან დროული დაკავშირება.

## 5. ბანაკის წესები და ქცევის სტანდარტები

ბანაკის მთავარი მიზანია ყველა მონაწილისთვის უსაფრთხო, კომფორტული და მეგობრული გარემოს შექმნა. ამის უზრუნველსაყოფად, მონაწილეები ვალდებული არიან დაიცვან შემდეგი წესები:

- 5.1. **ბანაკის მონაწილეს ეკრძალება:**
  - 5.1.1. ბულინგი, ბილწისტიყვაობა, სიგარეტის მოწვევა, ჩხუბი;
  - 5.1.2. ხმაურის გამოწვევა სასტუმროს შიდა სივრცეში და ოთახებში 21:00–09:00 საათებში;
  - 5.1.3. სასტუმროს ინვენტარის დაზიანება, გადაადგილება, მოპარვა;
  - 5.1.4. სასტუმროს სხვა სტუმრების შეწუხება;
  - 5.1.5. სასტუმროს ტერიტორიის დაზინძურება.
- 5.2. **წესების დარღვევის შემთხვევაში, ორგანიზატორი მოქმედებს ეტაპობრივი და პროპორციული მიდგომით:**
  - 5.2.1. **პირველი შემთხვევა** — მონაწილე მიიღებს სიტყვიერ გაფრთხილებას და შესაბამის განმარტებას;
  - 5.2.2. **მეორე შემთხვევა** — მოხდება მშობლის/მეურვის ინფორმირება და შესაძლოა მონაწილეობის დროებითი შეზღუდვა გარკვეულ აქტივობებში;
  - 5.2.3. **მესამე შემთხვევა** — ორგანიზატორი იტოვებს უფლებას შეწყვიტოს მომსახურება..
- 5.3. დისციპლინური მიზეზით მომსახურების ვადადმე შეწყვეტის შემთხვევაში, მშობელი/მეურვე ვალდებულია უზრუნველყოს მონაწილის ბანაკის ტერიტორიიდან გაყვანა საკუთარი ხარჯით. აღნიშნულ შემთხვევაში გადახდილი თანხა დაბრუნებას არ ექვემდებარება.
- 5.4. სასტუმროს ინვენტარის დაზიანების შემთხვევაში, მშობელი/მეურვე ვალდებულია სრულად აანაზღაუროს მიყენებული ზარალი სასტუმროს მიერ წარმოდგენილი შესაბამისი ინვოისის საფუძველზე. აღნიშნული წესი შეესაბამება სასტუმროს შიდა პოლიტიკას.

## 6. ნებართვები

- 6.1. მომსახურების მიმღები ადასტურებს ინფორმირებულ თანხმობას, რომ ბანაკის მიმდინარეობისას ორგანიზატორს უფლება აქვს გადაიღოს ბანაკის მონაწილის ფოტო და ვიდეო მასალა მხოლოდ ბანაკის აქტივობების ფარგლებში.
- 6.2. აღნიშნული მასალა შესაძლოა გამოყენებულ იქნას ბანაკის პოპულარიზაციის მიზნით, მათ შორის: ორგანიზატორის სოციალურ ქსელებში; სარეკლამო და საინფორმაციო მასალებში.
- 6.3. ორგანიზატორი უზრუნველყოფს, რომ მასალის გამოყენება მოხდეს მონაწილის ღირსებისა და საუკეთესო ინტერესების დაცვით და მოქმედი პერსონალური მონაცემების დაცვის სტანდარტების შესაბამისად.
- 6.4. ბანაკის პროცესის უწყვეტობისა და მონაწილეთა უსაფრთხოების უზრუნველყოფის მიზნით, მშობლის/მეურვის ვიზიტი ბანაკის ტერიტორიაზე დაშვებულია მხოლოდ განსაკუთრებულ შემთხვევებში, ორგანიზატორთან წინასწარი შეთანხმებით.
- 6.5. უსაფრთხოებისა და ჯანმრთელობის დაცვის მიზნით, ბანაკის ტერიტორიაზე აკრძალულია ნებისმიერი სახის ალკოჰოლური სასმელისა და საკვების შემოტანა.
- 6.6. გამონაკლისი შეიძლება დაიშვას მხოლოდ ორგანიზატორთან წინასწარი შეთანხმებით, განსაკუთრებული საჭიროებების (მაგალითად, სპეციალური კვებითი მოთხოვნები/ალერგიები) გათვალისწინებით.

## 7. მხარეთა ხელმოწერები

მომსახურების მიმღები	მომსახურების გამწვევი
	ი.მ ლაშა ახვლედიანი
	_____ / ლ.ახვლედიანი



# დანართი #1

## სფიქსის ინგლისურენოვანი, საზაფხულო ბანაკის პროგრამა

### დღის განრიგი უცვლელია 7 დღის განმავლობაში:

- 08:00 - 09:00 დილის შეკრება, ვარჯიში, ენერჯაიზერი;
- 09:00 – 10:00 დილის საუზმე;
- 10:15 – 11:15 English Lessons / Express Yourself / A2-B2;
- 11:30 – 12:45 სასწავლო გასართობი თამაში, ინტერაქცია;
- 13:00 – 14:00 სადილი;
- 14:15 – 15:15 ტრენინგი / მასტერკლასი;
- 15:30 – 17:00 თამაში, ინტერაქცია, შეჯიბრი;
- 17:00 – 18:00. თავისუფალი საათი;
- 18:00 – 19:00 ვახშამი;
- 19:15 – 21:00 კინოჩვენება / განხილვა / დებატები;
- 21:00 – 22:00 კარაოკე, სამაგიდო თამაშები; გართობის საათი;
- 22:00 – 08:00 ძილი

© SpeakUp - Language Center

[www.speakup.ge](http://www.speakup.ge)